



# Kárášjoga gielda Karasjok kommune

Mánáid, nuoraid ja bearašovttadat / Dearvvasvuodabuohccedivššárválvalus

Enhet for barn, unge og familie / Helsesykepleiertjenesten

Vuodđoskuvlaoahppit ja váhnemat/ ovddasteaddjit.  
Vuodđoskuvlla bargit.

Beaivi: 15.01.2024

## Diehtu vuodđoskuvlladearvvasvuoda birra

### Skuvlladearvvasvuoda barggut

Skuvlladearvvasvuodabálvalus lea dál láhkamearriduvvon bálvalus buot ohppiide geat čuvvot vuodđoskuvlla- ja joatkkaskuvlla oahpahusa.

- Psyhkalaš ja rumašlaš dearvvasvuoda ovddideapmi.
- Buriid sosiála ja biraslaš diliid ovddideapmi.
- Buozalmasvuoda ja vahágahttimii eastadeapmi.
- Fállat ohppiide boahkuid gustojeaddji boahkkoprográmma hárrái.
- Doaimmahit eastadeaddji dearvvasvuodabarggu oahpahusain ja čuvgehusbargguin ja háleštemiin (ovttaskasat ja joavkkuin).
- Ovttasbargat ruovttuin, skuvllain ja eará ásahusaiguin go bátnedearvvasvuodabálvalusain, fástadoaktáriin, PPB:ain, mánáidsuodjalusain ja eará.
- lešguđet luohkácehkiin čađahit dearvvasvuodaískosiid.
- Dárbbu vuodul čujuhit doaktárii dahje spesialistii.
- Rávvet ja bagadit.
- Gihpaávdnasiid juohkit.
- Ohppiid juohkebeaivválaš hástalusaid dihtii sáhttibehtet váldit oktavuoda dearvvasvuodadivššáriin. Fáttát sáhttet leat ovdamearkka dihtii:
  - Oađđin
  - Bátnedearvvasvuolta
  - Biebmodoallu
  - Rumašlaš doaibma
  - Vahágat/ lihkohisvuodát
  - Hálddašeapmi ja loaktin
  - Oktavuodát ja bearašdilit
  - Psyhkalaš dearvvasvuolta
  - Veahkaválddálašvuolta, vearredahku ja fuolahusváili
- Ohppiin, váhnemiin/ ovddasteddjiin ja oahpaheddjiin galgá maid leat vejolašvuolta finadit skuvllas min luhtte oažžumin bagadeamis ja ráđiid oažžumin.

**Áigemuddu: gaskavahkuid tii 09-11.30**

**Báiki: Vuodđoskuvlla hálddáhuvisttis, Čoahkkinlatnja 1. gearddis.**

**Postadresse:**  
Postboks 84  
9735 Kárášjohka Karasjok  
postmottak@karasjok.kommune.no

**Besøksadresse:**  
Ráđđeviessogaidnu 4  
9730 Kárášjohka Karasjok  
www.karasjok.kommune.no

**Telefon:**  
78 46 80 00

Bank: 4932 05 00019  
Org.nr.: 00963376030



### **Journálačállin, geahččanlohpi ja journálasirdin**

Dearvasvuodastašuvdna - ja skuvladearvasvuodabálvalus geatnegahttojuvvo čállit journála dearvasvuodadieđuiquin. Journála dahkkojuvvo buot mánáide geat ožžot konsultašuvdna- ja dearvasvuodaiskkusfálaldaga.

Divššohasas/ geavaheaddjis (vejolaččat oapmahaččas) lea álgovuolggalaččat geahččanlohpi dokumeantačoakkáldahkii. Oppalaččat galget leat nana sivat gielidit geahččanlobi. Go mánná lea gaskal 12 ja 16 jagi galgga, jus mánná ii hálideš ja su doahhtalkeahtá, dieđut addojuvvot váhnemiidda dahje earáide geat leat váhnenovddasvásttolačča. Dárbbašlaš dieđut deavdin dihtii váhnenovddasvástádusa, galget dattetge addojuvvot váhnemiidda dahje earáide geain lea váhnenovddasvástádus go mánná lea vuollel 18 jagi.

Váldonjuolggadusa vuodul journála sirdojuvvo ođđa dearvasvuodastašuvdnii dahje skuvladearvasvuodabálvalussii go fárra. Dat dahkkojuvvo váfistan dihtii dohkálaš čuovvoleami. Dieđit dearvasvuodastašuvdnii go fárret.

### **Jávohisvuodageasku**

Mis lea jávohisvuodageasku ja addit dieđuid viidásat dušše miediheami vuodul. Buot dieđut meannuduvvo oskkáldasat. Oahpaheaddjit fertejit álo váldit oktavuoda váhnemiiguin oažžut miediheami hállat ovttaskas ohppiid birra.

**Skuvlladearvvasvuodabálvalusa bargobajiloidnu luohkácehkiid hárrái:**

1. luohkká	<ul style="list-style-type: none"><li>• Dearvvasvuodadivššár ja doavttir dahkaba skuvlaálginiskosa/ dearvvasvuodáiskosa.</li><li>• Galledit luohká.</li></ul>
2. luohkká	<ul style="list-style-type: none"><li>• Difteriija-, doangegeasáhat-, polio ja sainnahatboahkuheapmi.</li></ul>
3. luohkká	<ul style="list-style-type: none"><li>• Vieru vuodul alladat/ deaddomihtideapmi.</li></ul>
4. luohkká	
5. luohkká	
6. luohkká	<ul style="list-style-type: none"><li>• Rávasmánaahkeoahpahus.</li><li>• Rukses boahku-, spiidneboahku- ja bárkodávdaboahkuheapmi (MMR).</li></ul>
7. luohkká	<ul style="list-style-type: none"><li>• Buohkaide (sihke gánddaide ja nieiddaide) fállujuvvo 2 dosa Humant papillomavirus (HPV) boahkuheapmi.</li></ul>
8. luohkká	<ul style="list-style-type: none"><li>• Ovttaskas dearvvasvuodaságastallan gaskal oahppi ja dearvvasvuodadivššára. Ohppiide boahká ovdagihtii diehtu fáttáin maid birra ságastallojuvvo.</li><li>• Ovttaskas alladat ja deaddomihtideapmi.</li><li>• Ovttaseallin- ja prevanšuvdnaoahpahus studeantaorganisašuvnna Medisinernes Seksualopplysning (MSO)* bokte.</li></ul>
9. luohkká	<ul style="list-style-type: none"><li>• Ovttaseallin- ja prevanšuvdnaoahpahus studeantaorganisašuvnna Medisinernes Seksualopplysning (MSO)* bokte.</li></ul>
10. luohkká	<ul style="list-style-type: none"><li>• Difteriija-, doangegeasáhat-, sainnahat- ja polioboahkuheapmi. <b>FUOM!</b> Dát lea dat maŋimuš boahkuheapmi mánáid boahkuhanprográmmas. Das maŋás ávžžuhat dáinna boahkuin boahkuhit juohke 10. jagi, maid oahppi ieš doaimmaha.</li><li>• Ovttaseallin- ja prevanšuvdnaoahpahus studeantaorganisašuvnna Medisinernes Seksualopplysning (MSO)* bokte.</li></ul>

\*Dát lea ain plánenmuttus\*

Lassin addojuvvo čuovvovaš buot luohkácehkiin:

- Ovttaskas čuovvuleapmi dárbbu mielde.
- Mearrediđolaš dearvvasvuodáiskkus dihto ovttaskas ságastallamiid vuodul.
- Joavkoságastallamat dárbbu mielde.

Dearvvuodáiguin

Iselin Vuolab

Dearvvasvuodadivššár  
Tlf: 930 39 730